

Daegcaiz caen siengj mbouj doeng, Daegvang vihmaz bienqbaenz yienghneix ged.

Ngoenzlwenz, Daegcaiz bang lansai de ra cienzhag, bae ranz Daegvang ciq cienz. Daegvang baez dingqnyi lansai Daegcaiz gauj hwnj dayoz, song da doq byaengq hai ronghsag: “Caen ha?” Riengzlaeng youh angqvauvau naeuz, “Hohheij hohheij! Lansai mwngz dwg aen mbanj raeuz boux daih’ it gauj hwnj dayoz, hawj mbanj raeuz ceng aeu naj lo.” Gwx yaep he, de youh mbe hai song faj fwngz, ngauz gyaеuј naeuz: “Caen mbouj doiqseiz, gij cienz gou cungj dawz bae cawx giuz makgai caez lu.”

Daegcaiz ma daengz ndaw ranz gag nyapswdswd. Daegvang baezgonq mbouj dwg vunz yienghneix. Daegcaiz caeuq Daegvang daj seiz lij daenj vaqbengh couh guhdoi hguhcaemz, vet congghlae, mbon rongzroeg caemhcaiq lij lohgenz lohgan h bae caemx raemx, song vunz caenmaed lumj song beixnuengx. Daj siujyoz doegsaw daengz cuhcungh, song boux hix caemh hag caemh ban. Cuhcungh doeg sat le, song boux doxdoengz mbouj bae hag, youh caiq doxcaemh okrog bae dajgoeng. Bingseiz miz maz hojnanz, songde cungj doxbang doxcoengh. Daegcaiz mizseiz bungq daengz ndaw ranz yungh cienz gaenj, cam Daegvang ciq cienz, Daegvang soqlaiz mbouj yaemhywx saek baez. Byawz liuh, baezneix lansai de gig mbouj yungzheih gauj hwnj dayoz, cam de ciq cienz gip yungh, de cix baenzneix saepnaep. Daegcaiz baenzlawz mbouj yiemzmbwq Daegvang ne.

Vunzmbanj byawz mbouj rox, ranz Daegvang miz cienz. Daj Gvuengjdoeng dauqma ranzmbanj, Daegvang couh co 10 moux diegndoi ndaem makgai. Geij bi daeuј, bibi cungj canh ndaeј geij fanh maenz cienz. Bonjlaiz Daegcaiz hix miz di cienz, caen dwg ranz laeuh deng fwnraq, daxbeix de song ndwen gonq deng ci bungq laemx, hwet raek bae,

·sawcuenh dinj·

Gag Ra Cienzhag

自 筹 学 费

□ Yinј Fuzgen

yw bingh yungh caez gij cienzrom beixnuengx song ranz, ndaw ranz seizneix couh lumj rek byaek venj daujdingq—hoengqvavt. Sousou liemxliemx cij comz ndaeј 3000 maenz, liz fanh maenz cienzhag lij ca 7000 dem. Cam vunzmbanj ciq? Gaeј naemј lo, gizdieg neix caenh did rinbya mbouj did gohaeux, naz rengx reih noix, binaengz haeuxgwn ngamq gaeuј ciengx dungx, ranzlawz miz cienzrom ciq hawј mwngz? Ndaw mbanj caenh dwg Daegvang uk gvai dungx rae h rom ndaeј cienz ndwi lo, hoeng de cix gig saejheiq. Daegcaiz gag danqheiq, vunz ha, yied miz cienz yied ndaengngaеu. Daegcaiz vih ra cienzhag gienh saeh neix gip dwk lumj maet haeb caekhaex nei saet hwnj saet roengz.

Gvaq geij ngoenz, Daegvang yamq haeuј ranz lansai Daegcaiz daeuј, naeuz: “Gou ndaeјnyi vunz naeuz, gwnz haw miz ranz bouqdiemq ndeu soucawx makitvaiz bae oemq laeuј, gaen 10 maenz. Mwngz liz bae hagdangz lij miz ndwen lai dem, mbouјyawx haeuј ndoi mbaet makitvaiz dawz bae gai, rom guh cienzhag.”

Daegcaiz it di hix mbouј yawј hwnj da, gijneix miz maz citgeiz, makitvaiz ndaw bya baenz dong baenz rangh, dij maz cienz? Seiz lwgnyez, de caeuq Daegvang mbaet gwn dwk dungxsiq bae. Giz dieg neix, maz cungj mbouј miz, hoeng makndoi cix

rim lueg rim bya. Caiqnaeuz, bya dat ndoi lingq, lansai de daj iq couh youq hagdangz doegsaw, naj hau noh oiқ, baenzlawz guh ndaeј gij hong naek neix? Daegcaiz nyinhnaeuz Daegvang mbouј ciq cienz hawј vunz le gag simhaw, yungh gij saeh neix daeuј lox vunz. Daegcaiz engq huj Daegvang lo. Hoeng, lansai Daegcaiz cix sim’ angq raixcaix, ngoenz daihngeih couh aemq loz haeuј bya bae lo. Daegcaiz ngauz gyaеuј ndiengndieng.

Banhaemh, Daegcaiz yawјraen lansai aemq byongh loz makitvaiz naiqnuekneuk yamq haeuј ranz, aen naj caeuq fan gen deng oen coeg em heh, valoekloek; aen naj deng ndit cik dwk hoengzbyoengbyoeng. Daegcaiz raen coјgvaq lai, sim’ in dwk naeuz: “Bae baenzngoenz cij mbaet ndaeј geij gaen makitvaiz, dwgrengz lai, mbouј bae suenq lo, comz mbouј gaeuј cienzhag mbouј hwnj dayoz hix mbouј dai vunz.” “Mbouј!” Lansai de sing hung naeuz, “Gou baenzbaenz cungj aeu bae. Gou mbouј naetnaiq, ngoenzcog caiq bae!” Doq hemq doq siengsim dwk raemxda youq gvaengzda baenq bae baenq dauq, couhdwg mbouј hawј rihbyoegbyoeg.

“Yienghneix couh deng lo.” Daegvang mbouј rox seizlawz haeuј ranz daeuј, riuho hoi doiq lansai Daegcaiz naeuz: “Ngamq guh hong cungj miz di naiq, vunz guh hong yied guh yied mizrengz, gvaq geij ngoenz couh ndei lo, gaeј doeknaiq,

menhmenh guh.” Gangј sat, Daegvang youh lwnh lansai nyi, aen bya lawz miz makitvaiz lai, aen bya lawz yungyiemј lai, daengq de re ngwz re doq. Lij son de baenzlawz mbaet mak cij yunghrengz noix, baenzlawz aemq loz cij mbouј haed mbaq. Lansai Daegcaiz dingq ndaeј gig nyinhcaen, ngaekgyaeuј dedded.

Couh yienghneix, lansai Daegcaiz gyangngoenz bae mbaet makitvaiz, ngoenz daihngeih daxmeh de soengq bae bouqdiemq. Mehlgw roengzrengz guh hong, ciemh ngoenz ciemh mbaet ndaeј lai. Doeklaeng, lienз Daegcaiz hix youq mbouј onj lo, caemh hwnj bya bae bangfwngz. Sam boux vunz caez okrengz, yaek daengz ngoenz bae hag, fanh maenz cienzhag cungjsuenq comz ndaeј gaeuј lo. Soengq lansai hwnj ci bae hag seiz, raen lansai yienznaeuz vunz bienq ndaem bienq byom, hoeng naj hai lumj mbwn’o ronghcingx, cingsaenz gvaekgvaek, Daegcaiz sim soeng hauјlai. Danhseih, baez ngeix daengz Daegvang mbouј ciq cienz hawј lansai, de lij hozgaek gedged.

Lansai naengh ci bae gyaе lo. Daegcaiz raen mbwn lij caeux, couh byaiј haeuј aen diemq lauxdoengz de bae ceјgoј. Yi! Ndaw bouq lauxdoengz doi miz makitvaiz, lauxdoengz guh ienlaeuј seng’ eiқ, seizlawz hix sou makitvaiz ni? “Mwngz mbouј rox ha?” Raen Daegcaiz miz di doeksaet, lauxdoengz naeuz, “Gij makitvaiz neix, dwg Daegvang heuh gou bang de sou hane. Gou hix mbouј rox de guh maz mingzdangz, gunghcangј sou hawј 10 maenz, de hix sou 10 maenz, neix mbouј dwg guh siedbonj seng’ eiқ maz?”

Laxlawz Daegvang yienghneix daeuј bangcoengh lansai de. Daegcaiz mingzbeг lo: Yienghneix guh, cij aeueiq lwgnyez, youh muzlien h gij ceiqheiq lwgnyez. Daegvang caen mizsim lo.

Sawqmwh, Daegcaiz roxnyinh gvaengzda ndatndumndum.

Gienh Saeh Fatseng Youq Seiz Roengzdangz

一件发生在下课的事情

□ Vangz fungmingz/ 黄凤明

Moix baez ngeix daengz gienh saeh fatseng youq seiz roengzdangz, gou couh roxnyinh najmong fouzbeij.

Seizhaenx gou lij doeg haj nienzgaep. Ngoenz ndeu banhaet, mbwn gvengqcagcag, ndit ronghsagsag, rumz ci liengzfifi. Roengzdangz daihngeih gou iu geij boux doengzhag bae baihlaeng gyausiz dik lwggienq, dik ndaeј geij baez, dou cungj naeuz gij dieg neix gaeb lai, dik mbouј sangј, ndigah dou couh doxiu bae gwnz daizheiq dik. Dah’ ingј muengz naeuz: “Mbouј baenz mbouј baenz, lauxsae gangј gvaq, gizhaenx miz vunz lai, danghnaeuz dou bae gizhaenx dik couh yungzheih deng bouxwnq.” Gou mbouј haeuјsim dwk naeuz: “Yawј mwngz, ngeix ndaeј baenzlai, mbouј lau, raeuz dik yaep he couh roengz-

daeuј.” Gangј sat, dou couh buet hwnj gwnz daizheiq bae lo.

Gwnz daizheiq miz geij boux lwgnyez cingq guhcaemz. Gou angq raixcaix, gizneix gvangqraeuh dik lwggienq gig simhai. Sawqmwh, lwggienq mbin coh gyoengq lwgnyez haenx, gou lau sw hgeij dik mbouј ndaeј, couh iet ga gvaqbae dik…… Va vu…… ok saeh le, byawz ngeix daengz gou mbat iet ga couh dik deng boux lwgnyez daenj buhhenj, de in ndaeј daeјnganga, dou gipmuengz buet gvaqbae yawј. Yw! gvaengzda dahnyez neix lae lwed lo, baenzlawz guh cij ndei ne? Gou doq bae ra lauxsae daeuј. Doeklaeng lauxsae hawј dou sien bae hwnjdangz, de daiq dahnyez haenx bae yihyen yawј canghyw. Gou caeuq bohme h gou doeklaeng daiq



Guengjsae Lingzsuiј funggingј lengj.

saenzcingz daengz ranz dahnyez neix bae yawј de.

Itcig daengz seizneix, gvaengzda dahnyez haenx lij miz gij biuј gou dik. Gou ienqhoij dangqmaz, ndawsim gag naeuz: Gou seizhaenx dingq dah’ ingј yienq cij deng, mbouј

wngdang……

Gienh saeh neix gvaqbae ndaeј geijcib bi lo, hoeng, seizneix gou lij geiq ndaeј gig cingcuј, gienh saeh neix hawј gou rox miz gij vah yienq aeu dingq haeuј rwz, mbouјnex rox ok saeh hung.